



5. marts 2010

UPA 2010/50

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

**Kommunalbestyrelsit imigassaq pillugu ataatsimiititalianik, imigassallersinnaanermut akuersissutinik suliaqartartussanik pilersitsinissaannut Naalakkersuisut akuersissuteqaqqullugit peqquneqarnissaannut Inatsisartut aalajangiiffigisassaattut siunnersuut:**

(Inatsisartunut ilaasortaq Astrid Fleischer Rex, Demokraatit)

### **Tunngavilersuut**

Naluneqanngitsutut ullumikkut kommuunit taakkuupput, kommunalbestyrelsip suliaqarnera tunngavigalugu imigassallersinnaanermut qinnuteqaatinik akuersisartut. Periuseq tamanna allanngortillugu, imigassaq pillugu ataatsimiititalianik, imigassallersinnaanermut akuersissutinik suliaqartartussanik kommuunit pilersitsinissaanngortinnissaat Demokraatini siunnersuutigaarput.

Ataatsimiititaliani ilaasortassat kommuunip toqqartassavai, ataatsimiititaliarlu sulisassaaq aalajangiisinnaanermut pisinnaatitsissutit pillugit peqqussutit atuuttut naapertorlugit. Demokraatit isumarput naapertorlugu taamatut aaqqiinerup iluaqtissartaasa ilagissavaat, kommunalbestyrelsip sulianik taamaattunik suliarinninnermut piffissamik atuisarunnaarnissaa.

Imigassaq pillugu ataatsimiititalianik pilersitsinerup aamma kommuunit periarfissittussaavai immikkut ilisimasalinnik ataatsimiititaliami ilaasortaasussanik taamaasilluni toqqaasarnissaannik, ataatsimiititaliap avammut kiinnertarnera ataqqinarnerulissaaq inuit neriniartarfinnik imerniartarfinnillu ilisimasallit akuulissammata, tamatuma eqqarsaatigaagut soorlu politiit, alkologit il.il. Demokraatini isumaqarpugut imigassaq pillugu ataatsimiititaliaq eqqissiviilliortarnerit ajornartorsiutinngortarnerannut ingalassimaartitsinissaasut taamatullu aamma illoqarfimmi inuusuttut eqqarsaatigalugit unamminarsinnaasunut.

Danmarkimi kommunalbestyrelsit akuersisartunik ataatsimiititalianik pilersitsinissaatitaapput aalajangiisartussanik, neriniartarfeqarneq pillugu inatsit naapertorlugu kommunalbestyrelsinit oqartussaaffigineqartunut.

Taamatut oqarluta Naalakkersuisut akissuteqarnissaat kiisalu partiit allat saqqummiussassaat qilanaarluta utaqqissavagut.